

族規十四則

一 正綸紀

人生百行孝弟爲先不孝不弟國有常刑今與族約不順父母兄長者則是不孝不弟從重懲責其甚矣者照例治以家法决不寬宥

一 重墳墓

風水之說儒者不談然將先人棺骸置水濕風蟻之所安平故宜慎於未葬之先既葬之后又須豎立石碑年年祭掃有破壞即修補

一 急輸將

身享大平之福當思報國之恩每歲錢糧踴躍輸將即四民之所以報國也凡我族人不可任意拖欠如有此情當先爲懲治

一 崇讀書

欲成人品大家聲必須讀書崇之之道其學已成者優賞之以示獎勵至有天姿不

群阻於艱難者族中務宜加意扶持曲爲成就

一 慎婚娶

婚娶之事道之造端娶妻求淑女不可貪其妝奩嫁女擇賢婿不可貪其重聘至嫁女於異類及賣女爲妾玷辱宗族從重處罰

一 重農桑

一夫不耕或受之饑一女不織或受之寒故王者莫以農桑爲重吾族務宜男耕女織上之可以至富次之亦可以豐衣足食

一 禁輕女

女子生願爲之有家此父母之心也乃有等極殘忍之人生男則喜生女則輕之我國自成立以來提倡婦女自由解放故此風頗無吾族若有犯者定予嚴懲

一 懲悍婦

婦人之性柔順爲先乃有一等悍婦厚顏長舌不孝翁姑不敬丈夫許投房族從嚴懲究除惡疾無子外犯五出者出

一 嚴賭博

呼朋引類擲骰斗牌小則傾囊大則蕩產則或輸少贏多而名聲安在自居何等且抑思有賭博興家者否族中人宜絕戒之

一 戒鴉片

鴉片爲害婦孺皆知愚不肖無論已而聰明人每陷於此始以是爲戲繼上而不覺終則家資灰淨無所不爲可耻孰甚族中切宜謹戒

一 究從匪

近日會匪所在皆有入其會者每自爲得計一經發覺身亡家敗禍及父母宗族甚可懼也吾族子弟有人會者一經查出定行捆送究治

一 下流

農工商賈貧乏者皆得爲之乃有一種甘爲娼優皂隸窩盜實屬玷辱祖宗如有此輩即於譜內除名不許歸宗

一 息爭訟

鼠牙雀角自古有之然必出於萬不得已若其不然無論懿親即在鄉鄰亦宜讓他一着至于兄弟叔侄房戶宗族尤宜痛戒以篤雍睦

一 循禮法

宗族以長幼尊卑爲序凡迂族事尊長列坐理論余人不得喧嘩有投族者二比站立靜聽詰問從容應對欠理者受責毋得強辨